

成嵐偏仅纔容席玲瓏僅半龕手捫蘿薜外彷彿見優曇

留別陳素峯高士

相逢定海處復遇錢塘濱回首江東樹迎人嶺北雲交情深造次邂逅重離分別去誰爲伴南天數雁羣天童寺不得信寫愁

大將宜還旆居民尚負戈戒途旅宿少滯雨客愁多寇盜連營入官軍帶甲過失時今不取非

復此山河

午日

梅雨迎蒲節蘭湯襲艾襟餘寒初溽草過日便焚林百藥從茲採羣玉伏自深吳門爲客日問俗到如今

送黃百原

南國千重水遙登萬里臺桃榔蠻舍晚蒟醬漢時開山人羅浮近潮從粵武回君過大庾嶺書寄折寒梅